

四庫全書

集部

欽定四庫全書

空同集卷九

明 李夢陽 撰

五言古

時命篇

代馬不戀越荆禽豈巢燕鸛鵲渡汶水君子憂未然奈
何客游子率爾辭故山行獸顧丘林出雲有歸還交交
聲利途軒車日駢闐誰念牛下人悲歌夜中歎豪門有
棄襦我衣恒不完張儀懼諸侯泄柳乃閉關貧賤豈盡

愚時命當自安

述憤

弘治乙丑年四月坐劾壽寧侯逮詔獄

天門鬱岌堯虎豹守其隅
番番九苞禽頡頏舞雲衢
書奏至尊青龍與之俱
光夕絕還響徙倚空愁余

其二

帝居杳何許蒼蒼隔九閭
白玉為阿閣黃金為重門
可望不可扣仰見飛雲奔
何當發炎旭下照孤葵根

其三

韜響久不作烈士常苦辛
魏裾已寂寞漢檻空嶙峋
邈馬向千載習習懷斯臣
苟識察百死寧一身

其四

懸車曜回景夕風起喬林
撫茲散沉憂浩蕩開重陰
迴翔瞻闕門躊躇思玉音
宵坐焰明燭懷古傷我心

其五

大化罔不虧人生固多艱
汎觀疇昔人浩然發憂歎
自

非餐霞侶伊誰駐朱顏律律南山岑拂衣會當還

其六

孟夏草木長垂雲一何淒零雨宵始歇西山朝復隳兀
然坐高春時聞鶉鳩啼逢辰寡宿懽履運傷前迷既無
杯中物何以寫我悽

其七

飄風自南來颭颭入我懷我欲隨之翔北向三重階守
閭遙望余閭闔何由排戚戚勿重陳危言多厲階

其八

夕雲鬱崢嶸
頽陽入西丘
返景漏林端
明我屋上樓
靜久得玄理
源澄復何求
永懷鄒陽子
聊以抒我憂

其九

苔井肅陰森
嶽廟閔以清
車前當路翻
紅葵夾階生
羈人散煩疴
紆徐步中楹
時禽變好音
庭柯敷夕榮
詎知沮洳場
曠然獲悠情

其十

青青廟中槐交交一雙禽為巢育其兒結構良苦辛一朝驚彈羅移棲向高林我行適見之歎息空彌襟

其十一

湫宇夕陰陰寒燈焰不長氣棲遽微明飄忽如清霜人云網恢恢我胡寓茲房墉鼠語牀下蝙蝠穿空梁驚風振南牖徂夜條已央於邑不成寐展轉情內傷

其十二

小草生枯桑芊芊競芳辰雖云殊本根寄託各有因自

我惟幽囚忽焉經浹旬我兄千里餘渺渺長河津妻子
日望余蒼蒼隔西鄰所幸二三友笑言越昏晨宵鐙促
燕膝昵語忘苦辛患難苟相得毋論骨肉親

其十三

檐月何徘徊晨風復依依載言別同居倉皇倒裳衣處
者各惆悵去者從此辭挽手刺刺語寄言家中知丁寧
故與親願勿長相思明明昊天威我久寧在茲

其十四

皇矣彼上帝赫赫敷明威四序舒以慘中有玄妙機燭
龍躍天門一朝景光回昔為霜下草今為日中葵稽首
沐罔極欲報難為詞

其十五

明月出東方徒行反家室室人走相訊問我何由出明
知非夢寐欲辯仍自失喜極雙涕零轉面各銜恤垂鐙
照絳卷浮埃滿朱瑟愁言卒未傾忽復見晨日

其十六

鳴鑣踰廣陌執簡謁彤闈道逢相識問倏如遠行歸虎
拜閣門下龍顏霽晨輝二后邈以迢吾皇嗣其徽從諫
如轉丸旁求炳先幾令聞洽四國壽與南山齊

其十七

臣本草野士弱冠承恩私黽勉簪紱間低回赧容姿直
湍寡回波勁木無弱枝天運不易測物情諒如斯修塗
方浩浩駕言赴前期

發京師

正德二年春二月與職方王子同放歸田里

驅車彰義門遙望郭西樹冠蓋輝青雲車馬夾廣路威
風何赫奕各蒙五侯顧回颺動地起白日倏已暮棄擲
委蔓草榮華若朝露良無金石交人生豈常故締綌足
禦冬誰念紈與素愜彼白華篇氣結不能慙

其二

薦蘿附松柏枝葉固相因行子戀儔匹況遇同鄉親北
風起河梁日暮多飛塵攜手同車歸駕言西適秦道遠

長渴饑客子懷苦辛仰瞻天漢流夜永不得晨驂馬媚
其曹鳴鴈各求羣明星出東方照見車下人夙興即往
道登彼高路津還顧望京邑愴焉何所陳

離憤

正德戊辰年五月閣瑾知劾章出我手矯旨詔獄
采采河邊蘭鯉魚何盤盤念我同胞人訣絕摧心肝事
變在須臾浮雲逝無端臨發路踟躇誰敢前為言原鵠
抗高聲我行何時還十步九回頭淚下如流泉

其二

練練晨明月鬱鬱風中柳蒼茫遮我車識是平生友感
君故意勤贈我雙瓊玖虎狼夾衡輓狐狸草間走東方
漸發白聊歸勿為久天威煽方處君子誌其口

其三

北風號外野五月知天寒海水晝夜翻南山石爛爛文
夫輕赴死婦女多憂患中言吐不易拊膺但長歎永夜
步中庭北斗何闌干裂我紅羅裙為君備晨餐車動不

可留佇立淚沈瀾願為雲中翼阻絕傷肺肝

其四

驅車重行行前上西山陞白日忽已冥歸鳥來何遲飄
風吹征衣北逝方自茲行路見我行不行為嗟咨苦稱
途路澁君子莫何之欲訴難竟陳天命自有期

其五

結髮事君子締結固不解青蠅玷白璧馨香逐時改恩
阻愛不周棄擲良在此紅塵何冥冥白日淪西海對面

有訣絕何況萬餘里得寵各自媚誰為展情理訛言方
媚興君子慎其始

七哀詩

問客何方來四月發田中繁霜隕百草樹木如寒冬客
行一何遙客顏一何憔悴舉目望關山關山鬱蕭條少壯
盡乘邊崖谷何寥寥戰馬不解鞍弓矢常在腰碩鼠走
空倉城上狐狸跳咄咄勿復陳更問北來人六月天雨
霜哀哉生不辰

與客問答

門有萬里客顏面帶風霜左右佩雙鞬意氣何揚揚問
客何州士逝將之何方客亦不顧云但言開中堂手持
一書札口稱故鄉長跪受書札草字八九行上言親戚
故下言別離傷

其二

長跪牽客裾故鄉今何如客起長跪言故鄉不可居墳
隴既蕪沒寧復識田廬鄰巷鮮故人族屬半丘墟巖巖

高山谷今為官路衢主人聆客言涕泗交漣如離鄉三十載小女為人姑邇者日以親遠者日以踈狐狸知故穴牛馬知故陸願為連理樹託根北山隅

赴江西之命初發大梁作

戚戚辭故里盛陽遠行游入門揖兄嫂征馬已駕輶日午登前岡浮雲逝南流零汗透衣巾僕夫行悠悠軀微懼命重慷慨但懷愁還望故所居匹鳥鳴相求而我獨何為道路常懷憂

轅駒歎

世徑互險夷富貴安所需昔為櫪中駿今為轅下駒
白日仰悲鳴青雲立踟躕未蒙主人顧何由効馳驅
朝思碣石津夕睇流沙隅常恐侶凡蹇棄捐中路衢

李廣

李廣昔未遇射獵誰見稱君主猶未識他人寧不輕
日從田間飲夜止灞上亭醉尉前呼呵小吏亦見凌
一朝剖郡符飛蓋赴北平凭軾覽百邑樹羽寧千城
亭障不

設燧櫪馬躍頓纓彎弓射虎歸淡淡黃雲生自從結髮
戰舍鏑無虛鳴威帽五單于胡人寤寐驚孰知身運乖
數奇竟無成壯顏逐年衰白髮忽見嬰寄言雄圖者俟
命莫吞聲

豫讓

士有氣相感殺身酬所知伯氏既謝世族姓無子遺噬
炭甘若飴漆身亮何為生既荷君遇沒敢求君知仇聞
再三歎攬淚惠新衣玉劒四五動左右神為摧愴哉彼

流水迄今為鳴悲行路佇歎息芝蘭繞墳基人生固有
畢節義誠難虧

怨歌行

怨違情有悲懼聚理無欺懼怨非中則感離難重持纔
見春華交倏已晨露滋秋風吹羅袂團扇不復施團扇
與羅袂用舍各有時炎寒啓迭運超曠多遠期勿徒歎
捐棄恩愛倘中移

對非歎

菁菁田中葑與與疆上菲托根豈誠異敷葉為誰美采
掇女心歎遵路勞情理鮮莖入素手終朝不盈筐置之
獨長惋拭淚沾衣裏白華肇卑薄谷風啓怨誹色衰使
交離棄美因下體空瞻寸晷旋倏見嚴飈起徒持履霜
戒誰念禦冬旨吟歎非貞喻托物聊在此

有夢

濡迹古梁郊託茲洪河疆流景逝不處衆草忽已霜元
雲駭崇原鳴風激空桑侯子竟此夕念獨涕沾裳人欲

天必從神交詎無方解襟即幽寐執袂奉顏光道睽未
終已舒體各異鄉鳴鷄在東壁薄月鑒空牀精誠諒有
合暫違寧詎傷

馳景篇

小至方浹辰居然屆寒臘澄空暮霜歛雲物恣吐納眷
念河關阻悵望三川楫城陰多悲風馳景杳難接遙憶
鹿門駕緬軫馮驩缺

時序篇

邈矣時序邁悠悠羈思懸少歲覲飛龍振步躡雲煙揚
芬凌紫霄結駟覽黃淵王綱祇以穆四海屢豐年晨趨
謁雲陛晚沐踏京塵流觴擁華館藻翰飛陽春逸者眷
多暇壯士恥無聞徒閱芳華改何有尺寸勲日月不我待
倏忽星運移抱疴屆茲夕憮然傷夙期元髮難久恃毋
令達者嗤

歲晏行

歲晏幽陰積寒霖夕館空浮雲起城闕浩眇安可窮悠

揚橫太虛回薄蔽鴻蒙我有一叢蘭種之良亦難飄風
忽來吹零露苦相殘勸君留此草蕭艾不可寶

苦熱篇

大運互伸縮二儀每驕蹇陽威苟不烈陰馭何能反避
暑躡清榭拭汗望幽巖密綠暎豐林萋蕪萎修坂逃飲
豈其性對食不能飯嗟彼馳騁子晨暮各忘返執熱古
有經愚智詎相遠何當蘇海宇余亦遂仰偃

其二

伏陰會當升愆陽固如期墻茨覆鮮實蟪蛄夕以哀所
虞大火流即值涼霜催軒轅製六律大舜彈鳴絲四氣
為之和民生寡憂思古理日云邈季運安所師我懷良
已永炎曜况倭遲願言惠清飈颯然均此施

值雪詠懷

索居倦晨暮沓沓傷歲窮玄雲為誰屯流霏夜常風映
隙既窈窕穿窻亦玲瓏凌高似有綴填卑忽若崇裒多
雖稱物益寡竟誰功匪無盈尊酒斟酌解我忡途路悵

伊阻佳期杳莫同
握瑾惜楚老投瑤
怨國風人欲天必
從精感理能通
鍾絃曠易絕郢調
寡彌工持為知音
說庶以折其衷

苦寒行

白日歛光曜
北風如劒刃
澤堅走鳴車
冰雪峙千仞
登高望四海
四海水將結
蛟蛇壅巢窟
虎豹潛於穴
巘岼太行谷
蒼莽陰山戎
沙磧晝飛霜
壘門吹烈風
鳥雀墮巖壁
黃狐嘯空城
居人掩關卧
客子無復行

行省樹下


中林澍雨積蕪徑暑日薄衆鳥集於樾鵷風眇焉託披
雲矚岑觀縹緲三阿閣踽踽懷昔賢擾擾疾棼錯夷猶
攀榮柯慷慨念幽壑

卧疾

寒飈振䟽牖十日歲華改王孫怨修路芳草若相待寸
心百慮嬰移疾屢朝悔范甑蛛網生翟門雀羅在歎息
中林蕙望望何能采

其二

眠病感歲晏中意長刺刺展策不能讀對酒寡懽懽晨
風激幽林堅氷滿川澤短景不可駐倏忽變昕夕飛雲
迅南征歸鳥厲其翼地北常苦寒寤寐想溫域



空同集卷九

欽定四庫全書

集部

空同集卷十二

詳校官監察御史臣龔驂文

中書臣劉源溥覆勘

總校官進士臣繆琪

校對官中書臣袁文邵

謄錄監生臣李傳燮

其二

雨暝自有期歲功詎云差昨來偶滂沱萬物皆顏華晴
晨子見過毅然巾我車荒徑蹄轍稀澤國踈桑麻長風
起修林夕響連蒹葭茫茫南山豆離離東陵瓜懷古看
行雲矯首徒咨嗟

莊上晚歸車阻於潦渠徒步始達於岸

暮醉各言歸風起草獵獵潢潦溢中軌車至不可涉野
黑徑復曲魚貫踵相躡良懼蒼耳窟重為蜥蜴怯童稚

欽定四庫全書

空同集卷十

明 李夢陽 撰

五言古

雨後往視田園同田熊二子

鳥性悅儔匹人情豈無慕亟見不云數獨行必相呼去聲

昨有城上眺今復郭南步膏雨回原綠豐林宿殘霧久
無慨我廬旱水兩妨誤夏禾既岑漠秋秣庶能獲釀具
粗已足念子有長路

欽定四庫全書

空同集卷十

明 李夢陽 撰

五言古

雨後往視田園同田熊二子

鳥性悅儔匹人情豈無慕亟見不云數獨行必相呼去聲

昨有城上眺今復郭南步膏雨回原綠豐林宿殘霧久
無慨我廬旱水兩妨誤夏禾既岑漠秋秣庶能獲釀具
粗已足念子有長路

其二

雨暝自有期歲功詎云差昨來偶滂沱萬物皆顏華晴
晨子見過毅然中我車荒徑蹄轍稀澤國踈桑麻長風
起修林夕響連蒹葭茫茫南山豆離離東陵瓜懷古看
行雲矯首徒咨嗟

莊上晚歸車阻於潦渠徒步始達於岸

暮醉各言歸風起草獵獵潢潦溢中軌車至不可涉野
黑徑復曲魚貫踵相躡良懼蒼耳窟重為蜥蜴怯童稚

行我先溝塍負而躡世路本夷嶮人情有驚怙閒素輕
波濤臨川想維楫履坦合自咎長吟詠匏葉

山夜

孤月上東岫白鶴激秋唳涼風振溪壑林影颭搖曳山
居本深靜夜氣復澄霽冥心向千古眇焉託真契

蒸熱三子過我東莊

林蜩午不歇日毒土色赤鬱言森密裡時華媚深碧三
人者胡來無乃不速客黃公蒼鬚髯二生

鄭生作
程生誥

頎而

哲入陰齊解帶對酒各岸幘籬萱挺其秀檻果垂易摘
無言豈為默有形忘所役杯乾時一斟速復至西夕

田園雜詩

朝陽暖秋木凝露未即晞翩翩啄榴鶯自驚集復飛衆
穡既登載我事亦漸稀晨興坐東牖兀然對紅薇噉噉
一白鶴北逝將疇依忍茲稻梁辰而汝甘長饑

其二

大車行棘棘小車響額仄隨分各有營急者稼與穡旦

出在田野日入未遑息長陰下西夕蕭颯起寒色雲霞
變彩氣照我桑麻國立看勞者歸露濡徑不濕

其三

野清雲氣滿場功亦云畢收穫雖有殊大小各盈室感
茲狼戾年追念憂苦日紛然噲其饁妻子孰遑佚歲工
借寒熱人事坐勞逸蕭蕭原野霜何草不垂實

其四

壯時掉塵鞅老乃即農務值茲田事終怛然感霜露原

萋日以歛林華不守故嚴霜淨游氣翔鵠在天路鸚雀
躍蓬蒿啄食不滿嗟而予竟何言飯牛髮今素

其五

田居亦安娛患者寡朋仇農談或時歇仰視蒼雲流青
衿者誰子道言即我謀開尊面圃場剥棗充盤羞物小
意固勤觴既情仍留晶晶遠天色秋暘下林丘

秋詩

百卉淒以腓游行散我矚夕風一何瑟入園乃華馥菊

也紛其英修篁積寒綠人生匪金鐵榮落譬草木磬折
者誰子誓死日爭逐賢貴與賤愚滅去孰還復鳥雀各
有安無為智者辱

其二

北風胡鴈急小禽亦南飛輕俠羣少年求伺爭有為弋
彈無遺木畢施在中達百發不一獲用心良足嗤黃雀
墮計中鳴吽如得依白鵠舉雲漢覽之心內悲小大有
分量瑣瑣豈知微

登東城樓晚下樓作贈同遊數子

登樓散涼目隕然日云暮逃暑良已厭
戀景復延顧曠野起暝色層闌合昏霧
眷言樓中客共此城上步蚊蟲撲面游
蝙蝠時自度二儀但莽莽一氣黯迴互
晝夜本定理明晦非難悟日入各言息
鐘鳴復馳騫齒萃宋帝閣突兀信陵墓
往似宿沙禽來如綴花露徙倚千仞梯
長謠發悲悰

其二

盛陽麗樓臺爛如錦繡錯日入暝煙起俯視但冥漠即
此悟人理天道固可度動靜啟晦明代謝有今昨涼颼
逐夕興迴聲滿虛閣四顧水明滅宿鳥喧相索啞啞啼
城烏噉噉上雲鶴忉忉感晨暮徙倚罷觴酌北斗忽復
低西月隱長薄閃爍海光動翕沓氛霧廓無恃黑頭在
早定滄洲約

寄贈端溪子

歎鳳世已遠悲麟竟何為蘭蕙秘幽巖蕭艾盈路岐

君子抱明德傷也誰復知隨流非我心特立乃見疑亭
亭南山松匪無霜霰摧寒蕤但不改孤貞常自持

其二

智者尚高契達人慕希聲曠世有相感同時悵難
并烈風起玄朔百卉忽以零登高望所思慨焉念
徂征鴻鴈序翅飛麋鹿呦呦鳴為言明馨子盍簪
終有成

贈蒼谷子

玄雲翳白日積陰何漫漫風氣日以淒泥雨常不乾漂
穽委川塗百卉良可歎覽物懷伊人撫時悲涼寒憂來
如亂絲理之棼無端為霜念逝鵠多露怨芳蘭所嗟聲
影隔匪懼馨香殘徒把瑤華音長謠望林巒

贈青石子

高鳥有違羣離獸多悲音懿彼婉孌子悵焉分此襟朝
發南河隅夕暮乃北岑玄雲既無極黃波浩且深君其
四海翔無言還舊林

其二

季秋凋羣木寒潦濫中軌
笳鼓濟方舟軒車匝河漢
攀德惜遙邁悵分睇馳晷
采蘭徒情結把菊為誰美
願子厚衣襦霜露自茲始

贈劉潛

人生無常因飄如風中雲
昔別大江隅今也長河濱
涼飈起霜夕隕葉何紛紛
我菊有佳色毅然獨芳芬
遲速良有時勉哉樹高勲

贈崔子

鯤魚游北溟鳳鳥翔南涯扶搖非無運鳴世自有期顯
夫競鐘鼎遁士潛蒿藜駟馬豈不榮泉石安且怡悠悠
西山人匪為薇蕨饑寄言青雲客策勲及今茲

贈孫生

古人種桃李不為蹇其花君子振英芬豈在文與華炎
陽赫晴彩百卉流丹霞賁彼東園實纍纍一何嘉采者
自成蹊舉世徒咨嗟

贈王生

鳳鳥世希有衆人常見疑一朝下西周憂焉鳴高岐光
彩照四極觀者驚以咨神物恥自衒卑鄙甘見欺驥馬
匪伯樂鹽車空號悲熒熒豐城劍非華誰固知

其二

伯牙違鍾期有琴不復彈茲意奚以取良為知音難得
失有榮枯合離成怨懼黃鵠戾天雲玄鴻漸河干淺夫
貴多矜狹士賤自殘幸子固明志顯塞察所安

贈崔生

伊昔振我衣連步千仞岡巖谷窈疑阻岐徑回羊腸與
者咸莫從子也乃同行舉首撼天樞縱目攬大洋星斗
何歷歷海波浩茫茫登山貴及顛涉水非無航願言窮
高深念哉毋相忘

贈魏子

霖潦久迺歇晨興送還輶野寒泥淖盛念茲途路修人
生苟相許豈必曾綢繆踟躕東路岐贈子雙吳鉤

其二

八月浙潮滿念子鼓南楫海月團會峯山峯下江葉里
間多宴娛仕宦有榮業早回北向轅晝日望三接

三士篇贈醫李鄭張

嚴飈厲時威槁葉下榮木春風一以敷病草奄回綠天
道豈常肅人事有還復七情既吾賊六淫乃為殞農經
發玄旨軒問擴英馥代殊理易昧行乖計相逐陳茲抱
縣息寒根蘊真育李生起專門鄭子振空谷張也剖金

匱奏効更神速飲橘祗自銜種杏亦可忍誦我三士篇
聊以助清穆

寺游別熊子

天地固常爾遇之情不同但看搖夏樹何似飛秋蓬古
來怨離人豈必窮與通默默兩無語坐披琳殿風

其二

夕風起涼閣入耳松撼撼當此佳勝區誰忍遽離析簷
鶴憂憂鳴蘿翠滿衣席異時冠蓋場倘憶幽賞跡

其三

散眸七寶地觴爾孤雲臺一望碧煙合四面清風來流
影盪我前炎樹生秋哀一笑問天地劫灰安在哉

其四

獨立臺上閣俯茲城下湖為問黃金魚徑尺今有無愚
者人盡笑賢之乃謗誣二者吾適從不如乘海桴

甲申中秋寄陽明子

風林秋色靜獨坐上清月眷茲千里共眇焉望吳越窈

宛陽明洞律兀芙蓉闕可望不可即江濤滾山雪

贈李世德

泰畜不生麟鸞穴無鷗鷯求水貴求源佳木無惡條李
門世清修三輩雄超黃扉早殺翮中葉乃淪凋生也
困逾勵奮飛竟雲霄大鈞幹神化萬物隨生消英英畹
中蕙化為艾與蕭願堅謀始心全我金石要

寄贈玉溪子

松蕙不棲蟬熊皮不上蟻秉性死不易斯足驗人理苟

投信若飴義交固如水如水遐則思若飴背乃毀悠悠
徂暑月眷眷念君子霍雲停復飛汾水蕩而駛山西迴
夕陽皎如覲光美徒操孤絕絃歎息竟何以

初秋上方寺別程生

勝地亮常爾佳士難屢并未窮結駟游遽復揚帆行古
林鬱城隅石門敞幽清趣風選濃蔭布席觴羣英竹涼
時自來殘暑驕未平戒飲今二暮為子杯一傾義投不
在故跡遠心自縈念茲徘徊意時哉樹嘉名

贈鄭生

杪秋木葉脫霜露告成歲驅車遡寒郊觸物念征邁戒
舟有程日維駒阻心愛所幸旦暮留前途或風瀨

其二

伊予解組歸汝也美少年駿馬臂兩弓射獵梁王川感
予重意氣授之黃金鞭萬里不易致悲鳴為誰前

其三

英英百尋木時至乃黃落楚楚清俊郎還家鬢蕭索桂

樹寒正榮溪魚白而躍山行采瑤草寄我長生藥

寄程生

河日淡莽莽飄風但塵沙陰陽為誰爭時至枯亦葩念
離傷歲窮懷音怨途賒彼美杳何許孤吟弄瑤華夜攬
海門月晨吸波上霞苦心誰固知延望長自嗟浦鴈回
故翼汀蘭茁新芽無負汴上約梁園多奇花

贈梅國子

烈士有心許佳人重情歡投義既不易識者良獨難清

秋理瑤瑟為君發高彈一曲未云亂仰視孤鴻翻一舉
狹千里再舉青雲端我欲從之逝羽短才力單聲影中
藏之儻接排風翰

贈定齋子

水澄萬形一鏡明別醜好哲人靜以俟愚者苦紛擾君
本觀海人揚旆向東道高步登岱巔橫覽盡洲島匪云
波水浩祗見衆山小孔林秋飈入漂穽委寒草明裡展
躬謁蕪翳為涓掃

空同集卷十

欽定四庫全書

空同集卷十一

明 李夢陽 撰

五言古

衛上別王子

晨風應候至鷄鳴各嚴車我今游宋中子當旋舊閭僕
夫理前綏轅馬悲鳴趨一別阻秦周相望萬里餘首春
霜露重厚汝征衣襦昔為同袍士今在天一隅故者日
以遠疇能察區區

其二

稅車朝歌里送子輝
水陽羣鴈起高飛
凌風各分翔敦交多故懷
况乃憂故鄉征夫愁短日
去馬知路長童童孤生柏
結根南山旁願言采此柏
遺我心所當良無白鵠翼
何以得高顏

贈徐禎卿

獨處忽不懌攬衣循東廂
樹木何修修春風起飄揚
我友駕在門告言適江湘
倉皇挈玉壺追送臨河陽
顧瞻

兩飛鳬並戲水中央翩翩鴈羽翮鳴聲一何長奈何游
客子一別永相望時澤亮有周天命固其常薄終義所
劣別離庸詎傷懿彼回路贈慷慨申此章

贈王舍人昇

迅風激高雲朝日照嘉林良友忽遠適惻愴摧我心川
原望靡極江路浩且深殊域寡親戚孤子故難任荼蓼
積愈苦淚下不可禁

其二

攬淚瞻林木
韡韡敷華葉
層闌帶廣陌
車馬暮相接
駢裾侈高會
誰念獨守妾
豈不思方舟
川廣不可涉
對菲遺下體
舉世重紅頰
勸子且寧志
為恩孰周浹

又贈王舍人

送美城東陌
還車望上陽
觀闕百餘尺
容城鬱相望
同在天一隅
子今旋舊疆
經子故所居
我馬立徬徨

其二

徬徨亦何為
悵望遠行客
枯桑號天風
時節倏復易
暫

紱匪我榮棄置安所惜願為東南風遂附高翔翮

其三

勁翮無羣棲靈根豈叢蒨人生非苦匏安得常相見動
息各有因況乃異鄉縣徘徊岐路側仰視雲中鴈

其四

鴈征會來歸君行何日返驚風飄馳光歲月忽已晚登
山采白苓遺我心繾綣上言制頽齡下言助餐飯

贈劉氏

暫暫吳中娥奕奕宛清揚邂逅此堂隅瞻顧兩回翔攘
袖發皓齒列坐無高倡行雲為徘徊順風託馨香周席
莫不歎側目生流光何意芳盛年峻義明秋霜於禮誠
銷薄銀漢徒相望

其二

矯矯雲中鵠忽忽晨南翔連翩客游子駕言逝何方霜
露日夜零東路悠且長意欲從子逝我馬玄以黃徒思
諒無益欲置難遽忘愛子千金軀雙親在高堂

其三

埋輪國東門駕舟越洪洋晨發天北隅日夕至建康皇
居柴太清陵樹何蒼蒼白馬服衡輶飄飄過路旁敦交
豈獨薄貧賤多顧藏所志在寧親榮耀乃其常

其四

青陽獻嘉歲玄鳥鳴我堂遠子念行役驅車發南疆豈
不誠辛苦王事切中腸駢駢沂原薄拊劍何慨慷羣形
冒休澤朽榦揚朱芳君子法天造小人曷能臧

其五

回車太行谷結轡登羊腸羊腸何崔嵬俯視見大江大江日東注游子悲故鄉故鄉復迢遞欲濟河無梁晨起振我纓駕言行朔方丈夫貴榮名臨路徒離傷

贈徐陸二子

徐名縉字子容姑蘇人陸即深也

清晨思行游駕車郭西門凝霜被野陸莽莽多荆榛霖雨不歸川四顧無行人何意岐路側悵然獲所親晤言不須更含意俱未申雲間富才傑具區產名珍一為時

所知光耀在青雲情交苟不劣窮顯非所論感激平生
義匪爾誰當陳

申州贈何子

翩翩雙黃鵠凌風各將去哀鳴岐路側一步一回顧何
異同心子失散在中路別君倏五載我髮忽已素今逢
不須更趨駕一何速臨分但踟躕道語不及故山川何
悠悠白日奄欲暮努力愛玉體慰我長思慕

寄康修撰海

晨步城西岡遙望終南岑荆棘高蔽天白曜翳以陰鷄
食鸞鳳饑蛾眉讒妒深葑菲遺下體一別成飛沉出門
眺四郊莽莽悲風吟海水有可測傷哉誰諒心

其二

少陰盛霜雪崎阻鴻鴈饑荷芥入林谷日暮誰共歸林
樹窈冥冥徑路多虎羆北斗橫塞岑郤野風振悲欲往
河無梁念子忽如迷榮耀在須臾亡沒誰復知思附玄
鶴翼從子以高飛

贈王生滇南

人生如枯蓬團團隨風轉朝猶同一隅夕暮異鄉縣鳳
皇擇林遊奮翼思高飛一飛萬餘里路澁常苦饑岑巖
造青天蹊磧何萎移食尋竹實餐棲必梧桐枝德音倘不
隳慰我心所期

送姪木北上

羣鴉競時食孤鴻獨高翔丈夫四海心誰能安舊疆仗
劍辭所親策馬登前岡歲晏霜露繁原野何茫茫草枯

禽獸饑饉濇浩以長感吟悲兼葭試鳴候朝陽勗哉樹
名勲念茲西顧光

送秦氏

秦名文字從
簡台州人

健足慕千里倦翮常卑安陶子重折腰貢生乃彈冠黃
龍日南游長江浩瀾瀾竹實匪不甘鳳孤誰為歡故廬
倚青松懸崖激鳴湍返真謝形役庶以成盤桓

送谷氏

零雨晨微微艾葉何旒旒端居輟中憂駕言送征邁黃

河流湯湯飛雲下燕代臨汀羅觴俎趣景徒傾蓋轅馬
望路鳴僕夫整衣帶孰非金章客子也獨所愛行行樹
聲猷及此明良會

別李氏

逸禽恥淹棲良駟競先步出門有行游諸所豈得顧辭
燕戀舊壘渚鴈企高驚情離誠有猝心期固其素匪無
便僦子新人不逮故踟躕野飈夕分手即前路

其二

前路乃何之迢迢夢雲澤霖雨暮戢戢囑子且停輓隕
釋委川徑潢潦浩以白熒熒雙龍劒佩服我所惜水行
蛇蟲匿陸邁虎兕辟願言奉心懽庶與備朝夕

贈甯氏

野收萎平畛寒露一何早凝霜一以零蘭蕙亦衆草美
人中夜興憂心怒如擣玉石誠靡別妍華恃疇保瑟瑟
谷中松見者豈不寶良無匠氏顧歎息歲將老

其二

白日何冥冥送子黃河陽執手無一言仰見雙鴈翔處
卑心固怡奮飛多中傷撫劍兩踟躕低頭涕沾裳天運
有銷盈志士懷剛腸去去愛景耀離別固其常

送閔氏

怛怛困暑溽悠悠抱中戚時蟬過戶響流汗揮復積登
高散我憂忽覩遠行客為問客者誰是我心所懌律律
佇征雲迢迢逐歸翮孰無室家念忖爾懽聚夕伊余胡
寡仇梵梵痛離析

長歌行贈房氏

捷步競先鳴
達人貴沈幾
鴻鵠翅摩天
於世常高飛
煌煌冠蓋朝
疏也乃獨歸
誰云傷秋子
而為鱸魚肥
彼哉粉榆儔
豈知千仞輝

其二

瀾瀾夏川廣
驚風夕揚波
眷言送誠歸
軒騎匣中阿
倦鳥故林趨
獸離懷前窠
君看纍纍實
豈復華其柯
皓首聲利途
攸見無乃頗

憶昔行別閭侃

憶昔少年時遨遊咸陽都邂逅塵埃裏相邀入酒壚半
酣擊劍起挾彈青門隅風蓬離本根奄忽浮雲徂聚散
良靡期晤言誰復圖濛濛零雨辰悠悠梁園途翩翩白
馬鳴藹藹朱華敷昔逢美姿顏今也白頭顱中藏難遽
宣相看但捋鬚前路浩崎嶇愛子衰暮軀

贈沈氏

辭馬鳴故羣羈人戀心知身也匪木石孰無懷與思藹

鵲軒蓋途才捷競先時冥冥歸林翮爰集非無枝龍蛇
悟易訓蟋蟀感唐詩情感辰靡延把袂竟河涯贈子金
錯刀申子古別離德愛誠匪他邁君豈無期

其二

旦日子當發淹留復今宵良乏美盤餐為君品鳴簫君
如巖下松霜霽顏不消衆草苟移時化為艾與蕭聆曲
復不憚睠焉傷迢迢携手步前庭仰面看招搖巢子潛
箕陽四岳俞唐堯願言修九苞曳佩鳴天朝

送蔡帥備真州

晨飈下嚴霜波水白浩浩鷄鳴人語動趨駕恨不早出
門望原野四顧但衰草芒碭一何寥驚鴈鳴寒蓼老驥
志千里烈士輕遠道臨事毋謂難為善豈在小

其二

颶舟逾長淮登陴望大江氣勢何鬱盤皇矣真我邦宮
殿桀高攄山變青蒼橫飈靜霜夕天塹如沸湯時平
智士拙貨賤良賈藏無言邊境勲寧居亦慨慷

其三

隕霜凋楓林澤藪莽虞虞結徒策青驪行狩聊我娛左
發殪玄兕右捐仆文駟揮羽坐草間飲酎炙鮮腴川光
夕明滅鴈鷺風叫呼立馬千仞岡仰送浮雲徂彈劍問
所私何如李金吾

京師元夕有懷丘子兼憶舊遊

夕都鬱堦壘浮雲陰孤臺宿昔與丈人攬袂凌崔嵬延
眺殊未已明月從東來俯身覽九陌車馬何誼脛朱門

競笙竽鐘鼓趣行杯詎知前代人寒隨生青苔金珠委
瓦礫鉛華安在哉沉冥日云富感激令心哀大人方岳
裔夙質謝塵埃婚嫁慕向子幽棲放顏坏七十尚蛇蟄
白衣潛草萊嗟余糾簪紱俛仰阻沿洄逝將親逸躅榮
盛等浮灰

元夕友人見訪

春月多麗輝白雪媚其姿美哉京洛夕銀潢鬱逶迤
逶迤帶紫陌車馬驅以馳繁燈張四衢都人競遊嬉道者

便靜性俗夫之遠資林塘枉冠蓋繾綣非我期金波低
宛轉明星漸離離清光苟不虧永與浮雲辭

月夜飲別徐氏

仲月玄鳥集蚯蚓蟠于廬竭從徐氏飲置酒臨中除明
月一何光衆星爛高虛中有參與商相望惜不舒人生
雖有懽詎得常相於夷猶廣庭內惻惻摻子祛哲人重
明德邁士懷離居離居諒復合行矣慎所須

贈鄭淳

路繇家室怨久別誰奈苦荏苒及春孟冰消舟莫阻臨
觴歎河邁指景赴前侶汀曲帆易隱勞心望徒佇

贈李僉事衢

處世寡諧合營道無貞心緬邈伯牙絃歎息誰為音竊
祿匪我志隨風豈能任所以棄朱紱窮年臥空林君子枉
榮顧駟馬一何駸輕蓋陰白日軒車匝庭陰宴晤及春
期列筵享同襟目快淑氣草耳聆悅時禽有至弗徒歸
觴舉恨不深末路校通塞鑒止無飛沉託意誠匪殊在

遠固宜欽願言附松蘿子其斷堅金

將赴江西寄別殷伊陽明府

引年豈必老求志不在奇曰余逾壯齡遭斥還山棲事
與北門合跡擬東陵齊滅音謝人徒四暑忽逮茲向平
果遺榮謝安終狗時詎意值嘉運末照及葵藜簡書下
我廬急遽誰得辭迢迢江西帆別當昔夏期束裝逐流
潮改服團炎颶情鬱為念故寄重慚余卑虞絃改自調
孔鐸湮誰持江漢誠暫浮匡廬寧久羈返貞意已堅抒

懷告心知

鳶山訪汪氏因贈

昨余發弋邑急霰舞鳴湍灘高果莫泝改騎凌層山
山層水復曲歲晏嵐風寒捫蘿冒嶮艱踏水涉洄沿日入
連平夷倏覲君子關清溪交遠圳高松夾路間遺榮靡
所希時仕義乃詮未羨焚魚高頗欽奇字傳矧伊連枝
芬慰我同心蘭綢繆促宴竿曙猿響南巒

冬日撫州贈友

晨光鬱將布時嚴氣自懷陽也諒匪力厥陰無亦甚時
極理終固情成勢難寢徒然江漢紀莫制北颶凜寒湍
落孔家霜色峻石廩甘菊冬始華赤樹紛如錦校閱纔
及旬勞拙遺安枕既已阻携玩胡由接芳衽擬峴行共
陟寄言備醇飲

空同集卷十一

欽定四庫全書

空同集卷十二

明 李夢陽 撰

五言古

贈四子

縣縣遠道積冉冉歲華晏
冰霜夕轉嚴星斗夜仍爛
蘭缸照寒戶旅士懷鄉縣
方幸厠鱗翮詎謂各分散
岐路忽在茲山川復悠緬
王子萬人特英論薄煙漠
康生千里足邁景速流電
瑰瑋欽奉常秀朗推中翰
冲標汎光

蕙逸思凌玄鴈所嗟異根株逝矣悲霜霰每言念睽晤
佳期阻驩宴

九子詠九首

九子者皆天下賢豪人今乃合余於孟氏之堂祖
行也慕義傷離悵然有感於前遊作九子詠

劉戶部遠夫

大謨

遠夫振英駕乃自儀封里孟復既鷹奮秉衡亦賦起獻
賦擬揚雄彈鋏笑馮子時異各睽隔蓬轉自茲始

王戶部邃伯

經

矯矯王邃伯，深心託玄素。豈謂萬里空，見此天馬步。獨行迤流議，苦志涉煩務。曰余駑鈍姿，倘辱導前路。

王職方錦夫

尚綱

職方昔垂髫，邂逅在梁汝。遊關匪豹隱，攀郤遂鸞翥。鴻詞振宛洛，一一中音呂。訪戴諒不惜，縱臆非所許。

穆檢討伯潛

孔暉

清廟播芳歎，朱鷺激潛調。沉冥會詮理，刻苦光逾耀。注

易在今茲醴酒企餘照載吟古離詠蹇拙慚賡紹

馬給事中敬臣

卿

敬臣閨闥彥處世恒自拘朝謁金馬門暮向青瑣趨朝
隱慕方朔修辭劇相如太阿不在掌非君獨嗟吁

陶行人良伯

驥

陶子三泖英少小富篇翰至響本無聲隱璞疇能辨運
甓不云苦漉酒聊自玩解龜幸心許傾蓋荷清讌

馬進士君卿

錄

君卿素所昧密意宛相向
醉酒似馬周讀書薄劉向
時人固不識古志益骯髒
試覩同遊子硯礪盡英行

戴進士仲鶚冠

南州實才窟小戴亦橫鶩
探鐸乃叨竊對孔豈在屢
左右佩采薺追趨信陽步
傾城在夙昔贈我陸機賦

孟行人望之洋

孟生瑚璉器英邁徵古篇
登泰夙所期望洋豈徒然
欽趨瞠顏後抗志恥盧先
吾方把任釣倘借襄陽編

贈姚員外

高鳥厭羣飛孤雲恒自輝綢繆誠靡乖何必久要期傾
蓋有芳訊白首則見疑嶄嶄龍沙濱風波暫徘徊

其二

零濛不澤物衝風夕曾波送歸念維楫眇言望江河鴻
逝摩九天蕭艾被泉阿長濤蝕孤嶼峙此將如何

別諸生漢口

大江流浩浩五日與子期風潮變旦暮六日達漢湄人

心重欣愛酬德視其施伊茲匪不幸所急非睽離晨飈
望我帆夕也宿共涯浮月每皓皓逆雲遞逶迤情淵分
有窮愴子當分乖昔為同池萍今向東西開大別峙鬼
嵬林蟬暮何哀俛首前逝波倚艫各徘徊

贈張舍

已嚴蓬池駕遽返夷門歇商風動榮草簷雨鳴不絕客
病良易積況值變華節悠悠城西館條爾雙經月昔至
體流汗莎雞傍戶聒子也苟寧志川廣豈難越

其二

流光逝忽忽天地一何軋
六月子來至月也今已八
客子悲遠道時氣侵肅殺
豈不念爾單室邇泥路滑
三日兩廂歌一日一通札
寂軒倚衰柳奈此夕鳴蜚
父母不下堂歸軫何時轄

送張含還金齒

百憂強自排感之輒復積
亦知別心苦所奈懽愛客
迢迢西南夷歎子此行役
出雲懷舊山倦鳥厲歸翮
時情

苟靡遭勉合亮奚益還道尚云遠去去加飡食

酬提學陝西朱君以巡歷諸什見寄

煌煌百二宅懷里念前都孰無雍門哀恨役久長途登
賦時有望所苦言辭麤自蒙新什惠披玩忘晨晡疏越
發潛響爛若湍錦舒慙亦作者末欲畫安我愚濶濶回
中吟宛遊秦隴隅清渭韻泚泚南山筆巍如誰云篇目
寡已包千里餘讀旣揺我心倘附西飛鳧

襄陽篇奉寄同知李公

晨登大梁城南望襄陽郭漢流趨何急樊山氣參錯樹
高風來集道大惟淹泊投沙理雖迫名賈思非薄幸且
便山郡聊遊謝羈縛仰攀躡孤岫俯眺聆大壑寒江歛
夕霽遠巖映林薄習池宴山簡英寮敞翠幙偶同攜甚
強飛翰凌觴酌歸聞銅鞮唱行和峴山作覽跡驗物理
觸歎徒今昨沉憂亮無益流坎任所託

送裴生京師

大江積風雨驕陰久我仇懷役念戈矢潢潦憂中疇戚

戚感物慮況子行遠遊鬱哉朝宗心殷勤眺風洲

內弟玉園莊歸

逾年始及村日久復言歸言歸亦何為景異情難持沙禽噉噉鳴園林收暮霏暮霏轉急湍春草碧漫漫我行已逾堤我心念猶攢志徃物不隔室遠詎無端誠乏靜者慮郊野豈徒安

送張六還京口

雲黃風色歇送子逾脩畛野風吹江樹波水清且緊歸

舟本自驚況值順流穩金山會當聚別暫情可忍

自南康往廣信完卷述懷十首

越旬不出門所值疑初觀長湖迄華岳融景遞澄
秀鼓柁聿行邁覽物每欣邁飄飄順帆風逶遲歛
雲晝鳴鶴矯豐田文魚駛閑溜有生孰靡適時及
異榮疚彼哉吾豈仇乘運視所受履茲良已快迺
餘足云究

其二

迅風會高雲逝逝曷能已朝雀冠劍馳夕暮遭繫繫
辱邈何因嘅嘅昧成理湖程莽復闊灘溜于春駛蕭蕭
東驚帆晨夜不得止仰睇啼柯猿俛傷躍清鯉一言季
布召斥以一言毀從古誰靡然寄語求金子

其三

金閣簡英儒玉書託紀綱絲言一何諄黜佞掄圭璋澄
清有夙愔攬轡誠慨慷聿茲歷三始矢志千載芳風波
駭非意多口亂否臧九閭眇以玄欲扣六翮傷所司專

愛憎威刑喪厥常彼方聳輕益寧知嗟道傍

其四

淵雲諒殊性予豈經世儔馳驅二十祀學宦寡諧謀昔
斥還三河誓言永林丘靡堅今咎誰畜志竟莫酬在難
歸貽阻眇焉痿前修陟崇望波嶺翔雲駭西流春雨振
桑榆念之心形仇東徂歎伊始懷哉俾無尤

其五

朝離傍羅浦東至龍潭宿戢柵候明發獨寤守空曲宵

書有常理欲往不獲速多慮良攪眠強置復攢觸起立
萬動寂湍響應鳴谷驚風臨岬激高月散春木絮雲吐
岑岫玉繩低以屬慨哉復奚道徘徊至天旭

其六

一氣噫太虛吹萬良不同伊余就幽役春序奄已中芳
辰下霜電寒暄乖故風北柯沮靡榮尚林曷由豐臨門
翳孤松悠悠慨初終張儀相六廷虞氏哭途窮首陽乏
長薇洛都鞍馬雄天定俟何時詠言摧深衷

其七

雲和易成霖義陽一何冥淹哉沮洳區佳日閉我局覆
瓦僅蔽牀頽壁支數櫺淒飈驚中帷電霰時復零天道
有常乖萬殊誰竟寧子期久已徂縱陳孰為聽當道有
豺狼瑣言訾螟蛉習坎固終利從茲倣無形

其八

靜居百慮屏孤樹迺牆隅奄茲華葉更搔首睇淹如時
雲布靈谷天令震高衢霖潦灌百川萬壑寡安魚東京

一夕復一辰倏忽春務易雲葉布豐林鉅鉏盤我壁田
竇仇片言厥怒一何赫笑諠有白刃千載乃露跡倦茲
掩陳記出戶睇高翮積譴聆民謠欲采不可譯英驂振
飛鞚出入勢輝奕哀哉彼何子躊躇祗沾臆

廣獄成還南昌候了十首

一淹經六旬揚舲復焉極脫然雖靡由事事嘉可即依
依春功奏朗朗維夏逼故茲波與嶺觸目異前昔逸雲
散歸雨川水浩崩溢挂帆趁風溜覽岼湊悲懌昨猶置

構黨禍郭子逝于伊匪三顧勤孰崛南陽廬涼燠非
力排裘葛從所須龍蛇翳厥身孔贊寧我諛

其九

赦者小人幸臣誠小人儕匪圖軒蓋榮山海有奇懷禮
法無復拘評者靡我排思夙慕華貴振鞅登要達烜赫
豈不快寤寐憂所乖識幾既不早今戀非鄙哉秉桴越
洋濤采蘭及春滋于焉可佳客龐叟心所期

其十

雨吐葛花柏葉已復展佳哉溪上邑流峙亘而緬岑岑
徐巖秀飛泉洒丹巘巖亭交景風裾帶時自卷居高乃
慮孤涉歷悟攸遣枚枚三陸宮千秋竟茲顯

其四

餘干濱巨湖厥土曠以浮津驛暮何囂避之泊南丘遣
子省其母析權詣江州明星波汨汨欲發仍復留有端
肇絲微涓涓遂成流拊心實罔慚患來誰誠謀紛綸及
今茲事已遙尚憂志士常苦貧饑渴無我尤

中免今為顏林翼邈言念先古展矣我心獲

其二

直木防見伐茲言豈我欺若華耀四海孤邈疇見知
莊
鷗運池溟舉翼九天垂風積苟不厚中路將安期歎息
竟何語俛視川波馳溢霖驚洪濤千載固厥時燕石一
何珍有驥不自持野飈激靈襟逝言惋長歧

其三

時至鮮枯林朱蘭被長坂臨嶠覲賢跡停楫暫遊行靈

其五

昔遊東山日覽古肇新宮徐令實經營絃誦溢其中
閱茲奄三年離滯心莫同我舟非不維奈此西逝風
乃子胡德余于邁遠從公朝旦發龍津暮棲依瑞洪
湖山沒如拳波途浩難窮佇瞻有深懷貽謠勒堅崇

其六

夕棲瑞洪渚遙覽渚北山相傳洪厓子乘雲自此間
履跡今尚存其人邈莫攀粵余登征途頻年涉間關
毀譽

一嬰心寤言多所歎於茲誠跼蹐振衣躡前巒泝水莽
浩浩驚風蕩回川欲濟惜無梁飈輪儻中還

其七

登艫脩五日覽接漸增闊洶洶北注川瀏瀏得縱壑劇
哉風水慮履順故靡豁高鳥厭塵集智士貴處末交甫
懷漢濱婉孌情遽奪結駟匪不侈險至誰竟遏沉身厥
亦罕萬世惜不脫遥遥哀雲岑瑤草爛孰掇

其八

明晦每無常人道豈不然歸雲徂靡餘日華耀清連戚
愉緊為誰喟然想千年姑蘇寵宰詔越孤辭會山梅將
輔番君范子逝不還乖歲君子貧枉尋矜大賢時霖潤
萬物猶蕙乃同妍東門可棲遲歸與聿奚言

其九

陽鳥逝無餘觀者驚與鳬青青澤淑毛刈之糞誰畚經
過問當年云茲夙屬吳歸命喪厥儀長雲奄西徂撫牀
竟空言金陵乃以都桓戾威八州溫氏闡雄圖聆言愴

我衷徬徨感終初混一今其時舟騁非爾虞

其十

仲冬別豫章涉夏茲復臨涼燠殊厥時能不摧我
襟樓觀蔽泰清衆木淒以陰倚橈陟龍沙優游眺
洪深魚鼈潰驚流瀾駭遂至今中有夙縱鳧振翼
回哀吟波阻杳莫即馳景忽西沉抗手自茲辭萬
世懷飄音

內弟左國玉挽歌

猶及茲年墓木拱已稠志決物可贊運旋情更酬悽悽
臨壙穴崩迫覽陰幽昔為美丈夫今與腐者儔枯骨蔓
草纏劒珮攢虺蜺痛沉祗愈迷神明竟何遊名崇壽罔
積露隕蕙先秋芳塵滿華屋故馬咆行輶改園僅逾阡
穿地卽我謀方期粉櫝成庶紆生者憂為惟國士遇因
慟遂成謳

熊御史卓墓感述

幽幽山下江莪莪山上松壘壘松下墓瑟瑟松上風慨

滔滔水東逝靡靡日西馳日馳雖更晨水逝無還期清
醑滿華尊鳴琴在旁茲門堂不改故若人竟何之天枉
獨兼今凝澄究若斯二紀罔自保千秋寧詎知情慟道
與結感往志彌悲皇皇徂暑月捐我就郊岐故築卽新
墳廣路席前基狐兔夕向啼芳麻延碧滋解缺心已許
回轅痛豈欺永測游魂理徒此眩盈虧

改營外舅大夫園域

貴賤無二死賢愚同一丘明公昔謝世跡駭理夷猶夷

及時邁跡歆先軌冠蓋紛若雲車馬闐京里鳴玉氣自
振排闥情難已鴻鐘有競勲大策無停紀斯人獨岑寂
哀歎勞心理

溫太真墓

雙鷺識妖端一馬前休兆中原旣板蕩臣主同奔峭長
蛇恣吞噬白日掩孤曜心違祖逖楫事躋扶風嘯康屯
見斯人辱已存機要建侯竟誰功江介無飛旄勲成身
乃殂天逝徒心悼側惟盈縮理虛咎燃犀照遺墳闕清

昔與君遊並遊京華中
我冠省臺內鳴鑾趨步同
中更歎莫偕永逝當何逢
絕絃已易慘挂劍今誰從
駕舟亂回洋展墓臨高崇
浮雲駭南流顧望摧我衷
德音旣長已情感胡由通
祇餘泣麟意悲歌傷命窮

徐子墓

晨興駕我車行行造古墓
墓門一何寥踟躕久延顧
陌阡脩且直青松夾中路
借言葬者誰漢時徐孺子
麟出諒不偶龍潛竟何以
我我東都會謁謁青雲士
一鳴爭

千古樹寒新廟來
阡莽迴鬱弭節紛
延眺載瞻徐墓邇
益壯風流紹

澹臺滅明墓

子游昔宰邑邑有澹臺公
非公不見宰不徑垂無窮身
歿埋豫章豫章乃城中長松
何寥寥石墓堅且崇崩館
晝常陰古樹多悲風
九九擁墓藤垂垂網戶
虫喧寂本異感慨惋當何
同道伸固難滅瞻睇搖晴虹

孺子墓夏謁

懷賢意實勤展謁良已屢丰茸蔓草盛間關夏禽哺野
歛延竹戶丹華綴高樹徘徊想故榻流連果誰遇

孔廟松

夫子廟前松童童一青蓋盤拏若蒼龍借問自何代靈
籟度笙竽古色積烟黛我然森翠中鬱彼風雲會絕勝
講壇杏應並闕里檜

犬詩

警夜力不贍逐兎非所任吹花春院閑戲草日移陰家

貧稱戀主時乖堅始心

其二

吠龙聞昔詠走盧欽故名遊園方載獫重鉤寧自行發
踪難可遇霑草空含情

詠信州茗和鄭子

厥草有佳種靈味固無匹豐內謝華幹卑叢類謙抑陽
和散林彩脩脩吐英特濯影金屑泉敷芬玉巖側完馨
重伊始溥露浥其色采掇屈柔腕製之成我德三緘附

貢品遂辱君子食入鼎沸銀浪隨風可傾國滌煩古有
經通仙詎堪惑


詠鷺

天風下厲霜海色清嚴冬朱鳥逝云遠玄禽耿焉踪翩
翩委波羽鳴飛何雍雍去若雪毬散來疑玉梭從回旋
淥蒲漪暎照青蓮峯戲渾不染潔浴湜轉丰茸羣起若
避鷺孤立如有慵孔言崇九思周歌羨斯容我客亮多
憚君子良冲融亦應懼鳬鴈幸少寬鰕鱖保爾貞素安

倘附春濤龍

白霧樹纍纍作花

不作江南客空登河上臺夢中到孤山笛裏落寒梅今
朝走白霧萬枝參差開紫宮散花女騎龍下瑤陔惚惚
弄珠人玉塵生羅襪歲筵復飈沓光采半明滅朝陽勿
遽晞留之慰超忽



空同集卷十二